



БУЛГАН АЙМГИЙН ЗАСАГ ДАРГЫН ЗАХИРАМЖ

2023 оны 08 сарын 25 өдөр

Дугаар А611

Булган сум

Хяналт шалгалт зохион байгуулах тухай

Монгол Улсын засаг захиргаа, нутаг дэвсгэрийн нэгж, түүний удирдлагын тухай хуулийн 66 дугаар зүйлийн 66.1, Байгаль орчныг хамгаалах тухай хуулийн 16 дугаар зүйлийн 16.2.4, Ашигт малтмалын тухай хуулийн 12 дугаар зүйлийн 12.1.3, 12.1.4, Байгаль орчинд нөлөөлөх байдлын үнэлгээний тухай хуулийн 9 дүгээр зүйлийн 9.12, Усны тухай хуулийн 12 дугаар зүйлийн 12.1.1 дэх заалт, аймгийн Иргэдийн Төлөөлөгчдийн Хуралдааны 2023 оны 08 дугаар сарын 04-ний өдрийн XVII/01 дүгээр тогтоолын 5 дугаар хавсралтыг тус тус үндэслэн ЗАХИРАМЖЛАХ нь:

1.Уул уурхайн төсөл хэрэгжүүлэгчдийн 2023 оны Байгаль орчны менежментийн төлөвлөгөөний хэрэгжилт, "Тэрбум мод" үндэсний хөдөлгөөний хэрэгжилт, усны нөөцийн ашиглалт, хууль бус ашигт малтмал олборлох зөрчлийг илрүүлэх, таслан зогсоох чиглэлээр хяналт шалгалтын ажлыг зохион байгуулсугай.

2.Хяналт шалгалтын ажлын удирдамжийг 1 дүгээр, шаардагдах зардлын тооцоо, замын маршрутыг 2 дугаар хавсралтаар тус тус баталсугай.

3.Хяналт шалгалтын ажилд шаардагдах зардал 602,880 (зургаан зуун хоёр мянга найман зуун ная) төгрөгийг Байгаль хамгаалах нөхөн сэргээх арга хэмжээний, Байгаль орчны багц хуулийн хэрэгжилтийг хангах хяналт шалгалт хийх, тооллого судалгааны ажил явуулах зардлаас гаргахыг Байгаль хамгаалах сангийн нягтлан бодогч (Б.Бумцэнд)-д зөвшөөрсүгэй.

4.Хяналт шалгалтын ажлыг удирдамж, графикайн дагуу зохион байгуулж, шаардагдах хүн хүч, унаа техникээр тухай бүрд нь хангаж хамтран ажиллахыг Байгаль орчин, аялал жуулчлалын газрын дарга (А.Гантөмөр), Цагдаагийн газрын дарга, Цагдаагийн дэд хурандаа (Г.Ганбаяр), сумын Засаг дарга нарт тус тус үүрэг болгосугай.

ЗАСАГ ДАРГА Б.АРИУН-ЭРДЭНЭ



Аймгийн Засаг даргын 2023 оны
08 дугаар сарын 29-ны өдрийн А/611 дугаар
захирамжийн 1 дүгээр хавсралт



Хамтарсан хяналт шалгалт хийх ажлын удирдамж

Нэг. Шалгалтын зорилго

Байгаль орчныг хамгаалах тухай, Ашигт малтмалын тухай, Газрын хэвлийн тухай, Байгаль орчинд нөлөөлөх байдлын үнэлгээний тухай, Усны тухай, Байгалийн нөөц ашигласны төлбөрийн тухай, Зөрчлийн тухай хууль, тогтоомжуудын хэрэгжилтийг шалган илэрсэн зөрчлийг арилгаж, мэргэжил арга зүйн зөвлөгөө өгч хуулийн хэрэгжилтийг хангах зорилготой.

Хоёр. Шалгалтад хамрагдах хүрээ:

Бүрэгхангай, Дашинчилэн сумдын нутаг дэвсгэрт үйл ажиллагаа явуулж байгаа уул уурхайн үйлдвэрлэл эрхлэгч аж ахуйн нэгж, бичил уурхай эрхлэгч нөхөрлөлүүд хамрагдана.

Гурав. Хяналт шалгалтын бүрэлдэхүүн, хугацаа:

3.1. Шалгалтын бүрэлдэхүүн:

Ажлын хэсгийн дарга: Аймгийн Засаг даргын орлогч Д.Жаргалсайхан
Гишүүд: Аймгийн Засаг даргын Тамгын газрын, Геологи уул уурхай, газрын тос, хийн хяналтын Улсын байцаагч Т.Наранцацралт
Аймгийн Засаг даргын Тамгын газрын, Хууль эрхзүйн хэлтсийн мэргэжилтэн С.Амар
Аймгийн Засаг даргын Тамгын газрын Хөгжлийн бодлого төлөвлөлт, хөрөнгө оруулалтын хэлтсийн мэргэжилтэн Г.Бямбажаргал
Сумын Байгаль орчны хяналтын улсын байцаагч, Газрын даамал, Байгаль хамгаалагч, Татварын байцаагч

3.2. Хяналт шалгалтыг 2023 оны 08 сарын 28-ны өдрөөс 2023 оны 08 дугаар сарын 29-ны өдөр хүртэлх хугацаанд хяналт шалгалтын ажлыг маршрутын дагуу явуулна.

Дөрөв. Хийж гүйцэтгэх ажил

4.1. Ашиглалтын тусгай зөвшөөрөл эзэмшигч аж ахуйн нэгжүүдийн уурхай дээр байх ёстой баримт бичгийн бүрдэл, тухайн жилийн төлөвлөгөө, түүний хэрэгжилтэд хяналт тавих;

4.2. Уул уурхайн төсөл хэрэгжүүлэгчдийн 2023 оны Байгаль орчны менежментийн төлөвлөгөөний хэрэгжилт, нөхөн сэргээлт явц, "Тэрбум мод" үндэсний хөдөлгөөний хэрэгжилт, үйлдвэрийн зориулалтаар ус ашиглах гэрээ, усны дүгнэлт, төлбөрийн гүйцэтгэлд хяналт тавих;

4.3. Хууль бус ашигт малтмал олборлох зөрчлийг илрүүлэх, таслан зогсоох арга хэмжээ авах;

4.4.Засгийн газрын 2022 оны 296 дугаар тогтоолоор батлагдсан “Бичил уурхайгаар ашигт малтмал олборлох журам”-ын хэрэгжилтэд хяналт тавих;

4.5.Уул уурхайн аж ахуйн нэгжүүдийн хөдөлмөр хамгаалал, хөдөлмөрийн аюулгүй байдалд хяналт тавих;

Тав. Шалгалтын дүнг тайлагнах

5.1.Шалгалтаар илэрсэн зөрчил, авсан арга хэмжээ, цаашид хэрэгжүүлэх арга хэмжээний талаарх мэдээллийг ажлын хэсгийн бүрэлдэхүүн зохион байгуулж тайлагнана.

тайлагнана.

08
Аймгийн Засаг даргын 2023 оны
... дугаар сарын 25-ны өдрийн ... дугаар
захирамжийн 2 дугаар хавсралт

Уул уурхайн хяналт шалгалт хийх замын маршрут

Д/д	Хяналт шалгалт явуулах чиглэл	Явах замын хэмжээ (км)	Хугацаа (өдөр)
1	2	3	4
1	Булган-Бүрэгхангай	80	
2	Бүрэгхангай сумын нутаг дэвсгэрт	350	2
3	Бүрэгхангай-Дашинчилэн	70	
4	Дашинчилэн сумын нутаг дэвсгэрт	150	1
5	Дашинчилэн-Булган	150	
Нийт		800	3

Хяналт шалгалтын ажилд шаардагдах шатахуун, томилолтын зардал (Төгрөг)

Д/д	Хийгдэх ажил	Тоо хэмжээ	Нэг бүрийн өртөг	Нийт өртөг
1	2	3	4	5
1	Шатахуун	$800*18/100=144$ л	2520	362880
2	Томилолт хүн/өдөр	$5*2=10$	24000	240000
Нийт				602880